

# Tuarascáil Bhliantúil maidir le Nochtadh Cosanta don Rialálaí Carthanas don bhliain 2022

## Réamhrá

Faoi [alt 22 den Acht um Nochtadh Cosanta, 2014](#), ceanglaítear ar gach comhlacht poiblí agus gach duine forordaithe tuarascáil bhliantúil chuig an Aire Caiteachais Phoiblí, Seachadta ar an bPlean Forbartha Náisiúnta agus Athchóirithe a fhoilsíú maidir leis an lín noctaí cosanta a fuarthas sa bhliain roimhe agus maidir leis an ngníomh a rinneadh ina leith (más ann). Ní ceadmhach daoine a rinne nochtadh a bheith in-sainaitheanta mar thoradh ar fhoilsíú na tuarascála sin.

Soláthroidh an Rialálaí Carthanas an tuarascáil sin faoin 1 Márta gach bliain, rud lena n-áireofar faisnéis i ndáil leis an mbliain féilire roimhe.

Foilseoidh an Rialálaí Carthanas an Tuarascáil Bhliantúil faoin 31 Mártar gach bliain freisin.

## Beartas an Rialálaí Carthanas maidir le Nochtadh Cosanta

Tá Beartas reatha an Rialálaí Carthanas maidir le Nochtadh Cosanta ar fáil ar an [leathanach tiomnaithe maidir le Nochtadh Cosanta ar an suíomh Gréasáin](#). Nuashonraítear leis an mBeartas sin an beartas roimhe, ar aon dul leis an Acht um Nochtadh Cosanta (Leasú), 2022.

## An Beartas a Chur Chun Feidhme

Chun tacú leis an mbeartas a chur chun feidhme, chuir an Rialálaí Carthanas a ainm leis an gClár Oibre um Ionracas san Áit Oibre agus leis an nGealltanás um Ionracas san Áit Oibre de chuid Transparency International Ireland. Cuirtear baill foirne ar an eolas faoin [Líne Chabhrach ‘Speak Up’ de chuid Transparency International Ireland](#), ar féidir teacht uirthi trí ghlaobh a chur ar 1800 844 866 chun treoir neamhspleách a fháil maidir le conas ábhar imní a thuairisciú nó nochtadh cosanta a dhéanamh. Soláthraítear oiliúint bhliantúil do gach ball foirne.

## Ról an Rialálaí Carthanas mar ‘dhuine forordaithe’

Faoi lonstraim Reachtúil Uimh. 367 de 2020, sainíodh Príomhfheidhmeannach an Rialálaí Carthanas mar ‘dhuine forordaithe’ chun noctaí a fháil maidir le héagóiritheoreachtaí iomchuí i leith gach ní a bhaineann le rialáil carthanas de bhun an Achta Carthanas 2009.

Is é an phríomhfheagracht atá ar Phríomhfheidhmeannach an Rialálaí Carthanás mar Dhuine Forordaithe faoin Acht um Nochtadh Cosanta, 2014, ná céannacht an Duine Tuairiscithe<sup>1</sup> a chosaint a mhéid is mó is féidir agus an fhaisnéis atá tugtha sa nochtadh a scrúdú de réir a ghnáthnósanna imeachta le haghaidh a fheidhmeanna reachtúla a chur i gcrích. Tá Beartas agus Nós Imeachta an Rialálaí Carthanás maidir le Nochtadh Cosanta Seachtrach – Bealaí Seachtracha Tuairiscithe ar fáil ar an [leathanach tiomnaithe maidir le Nochtadh Cosanta ar an suíomh Gréasáin](#).

**Tábla - An Rialálaí Carthanás - Tuarascáil Bhliantúil maidir le Nochtadh Cosanta don Bhliain 2022**

An Rialálaí Carthanás - Tuarascáil Bhliantúil maidir le Nochtadh Cosanta don Bhliain 2022	Inmheánach don Rialálaí Carthanás	Nochtadh Cosanta Seachtrach - An Rialálaí Carthanás mar 'dhuine forordaithe'
Alt 22.1(a): an lín tuarascálacha a tugadh don Rialálaí Carthanás sa bhliain 2022	Ceann ar bith	6
Alt 22.1(d): an lín tuarascálacha a tarchuireadh chuig an Rialálaí Carthanás sa bhliain 2022 faoi ailt 7, 10B, 10C agus 10D;	Ceann ar bith	1
Alt 22.1(e): maidir le gach tuarascáil dá dtagraítear thus, mar atá léirithe i míreanna (a) agus (d) thus, cé acu a bhí nó nach raibh an éagóiritheoirreacht iomchuí lena mbaineann ina sárú;	Ceann ar bith	Ceann ar bith
Alt 22.1(f): an lín imscrúduithe agus imeachtaí ar oscail an Rialálaí Carthanás nó an duine forordaithe iad i ndáil leis na héagóiritheoirreachtaí iomchuí lena mbaineann mar thoradh ar na tuarascálacha dá dtagraítear i míreanna (a) agus (d) thus;	Ceann ar bith	Ceann ar bith
Alt 22.1(g): an lín imscrúduithe agus imeachtaí ar oscail an Rialálaí Carthanás nó an duine forordaithe iad i mblianta roimhe i ndáil leis na héagóiritheoirreachtaí iomchuí lena mbaineann agus atá fós ar oscailt;	Ceann ar bith	Ceann ar bith
Alt 22.1(h): an lín imscrúduithe agus imeachtaí ar dhún an Rialálaí Carthanás nó an duine forordaithe iad i ndáil leis na héagóiritheoirreachtaí iomchuí lena mbaineann mar thoradh ar na tuarascálacha dá dtagraítear i míreanna (a) agus (d) thus;	Ceann ar bith	Ceann ar bith
Alt 22.1(i): maidir le gach imscrúdú nó imeacht dúnta dá dtagraítear i mír (h), toradh an imscrúdaithe nó na n-imeachtaí agus an bhreith a thug an comhlacht poiblí nó an duine forordaithe;	Ceann ar bith	Ceann ar bith

<sup>1</sup> Is ionann Duine Tuairiscithe agus an duine a dhéanann an nochtadh cosanta ar aon dul leis an Acht um Nochtadh Cosanta, 2014, arna leasú

<b>An Rialálaí Carthanas - Tuarascáil Bhliantúil maidir le Nochtadh Cosanta don Bhliain 2022</b>	<b>Inmheánach don Rialálaí Carthanas</b>	<b>Nochtadh Cosanta Seachtrach - An Rialálaí Carthanas mar 'dhuine forordaithe'</b>
Alt 22.1(j): i gcás inarb iomchuí agus a mhéid is féidir a fhionnadh, an damáiste airgeadais measta agus na méideanna a gnóthaíodh tar éis aon imscrúdú agus aon imeachtaí dá dtagraítear i mír (h);	Ceann ar bith	Ceann ar bith

**CRÍOCH**